



ITOPHPHE'I MARE'I SUUME

LOSAANCHI KITAABA

Saxxi Baxxancha

Diizaaynachchi:

* Siisaayi Taagassa

2011 H.D

Hosaanaa



Itophphe'i Federaalaam Demokirase'aam Irippabiiqqi Losa'n Ministeera

KA KITAABINA ISSIMMI HASISOO AMAJ QOOROOMA

Ka kitaaba lobakat losaan awwaaxxoo bikkina seeraamisa amadimmi hasisookko. woroon uwwamukki tommi sawwittuwwi ka kitaaba seeraamisa awwaaxximmi bikkina sawwite hgisookko.

- ◆ Ka kitaaba egeroo laastiikinne, xambi kitaaphphi woraqatinne te'im mulli qoxxaalli woraqatinne ambe.
- ◆ Hundi ammanem muccur gogaalli beyyo disse.
- ◆ Awwaaxxitoo ammane hundam ki angi muccurooma egere.
- ◆ Ka kitaaphphi hanennem ihukko woro'l idduwwane hasisoobee'i luwwa maham kitaabbitte.
- ◆ Kitaaphphi ido te'im qanannaat afi beyyo mare'e issimmina hassoohaare hoffi woraqatichcho te'im kirtaasa awwaaxe.
- ◆ Kitaaphphi woriinse idom ihukko misilluwwa dareetitte/muttaa fissititte.
- ◆ Kitaaphphek dareeramu idduwwi yoolas amaxxansoo luwwinne axise.
- ◆ Ki losa'n mi'n keekessa/borsanne dissitoo ammanne aalo'isa axissa disse.
- ◆ Mulli mannina uwwitoo ammane danaamisa amadoo'isa/amadamisa kure.
- ◆ Kitaaba seeramisinne fooqaa'imma, idduwwi firoobee'isaa qinxoobee'isaa danaamisa amadimma.

FISSIIXA

Usheexxat Mato

Ni losa'n mine ----- 1

Usheexxat Lamo

Tommannee sas aga'n uwwancha ----- 9

Usheexxat Saso

Ni amba'a ----- 15

Usheexxat Sooro

Muccurooma ----- 20

Usheexxat Onto

Anno'i sharada ----- 27

Useexxat Loho

Oos maha baxamulla ----- 33

Usheexxat Lamara

Kaba amman bille ----- 39

Usheexxat Sadeento

I losisaanchi wicatte ----- 45

Usheexxat Honso

Ki borsi maha labookko? ----- 51

Usheexxat Tommo

Dardara maha baxakkamo? ----- 56

Usheexxat Tommo Mato


Orachcho xoxxollishshi lello ----- 63

Usheexxat Tommo Lammo

Losisaanchi losa'n mine baxookko ----- 68

USHEEXXAT MATO

NI LOSA'N MINE



LOSA'N MATO

Moo'immi qanannaa'imma

Bax 1







Baxxanchi woronne siidamoo mu'uttuwwa Itophphe'i mare'i suummi xa'mammehe. Gaalchi beshshuwwi xa'michcham dabellehe.

Kuk maruwwa?	kuk	_____
Ook maruwwa ?	ook	_____
Kukeen maruwwa?	kukeen	_____
Ookeen maruwwa?	Ookeen	_____

Bax 2


Ki'n losisaanchi baxxanchi woro siidamoo annanni mu'uttuwwa mare'i suummi caakkisakuuyyi ee mu'ux bikkinaa awwaaxx-akkamisaa atoorallehe.

Mare'uwwa

 Dabitara	 Kitaaba	 Xaqashsha	 Irsaasa
 Xaraphpheeza	 Heemachchiboorda	 Losaanchi kekkesa	 Ogosaancho
 Boorjo'o	 SHobbaancho	 Iskibiirto'o	 Laaphphisa

Bax 3

Kannii woroon yoo misilluwwa moo'lehe



Losixxi 1

kannii woroon hincukki xa'michchuwwa id 3-nne moo'lak-kam misilluwwa shooto'i issimminne ki'n losisaanchina mare'i suumi daballehe.

1. Irsaas hannonnette?
2. Borsi/kekkes xaraphpheedanonne xaqashshi lambe'ennenihe?
3. Dabitar hannonnette?
4. Boorjo'i heemachchi boordi lugummonnenihe?
5. Xaraphpheed hannonnette?
6. Losisaanchi xaraphpheed afa'laachchannenihe?
7. Xaqashshi hannonnette?

Bax 4


Kannii woroon yoo misila moo'imminnemisilanne moo'lak-kam mu'uttuwwa ee'isam mu'uttuwwi uwwitam awwaaduwwa gadano yoo ki'nuwwi beshshuwwi maqire itophphe'i mare'i suummi atoorallehe?



Bax 5

Ki'n losisaanchi Itophphe'i mare'i suumi moo'isoo beyyo bikko mare'uwwa xxxoollisa laseesehe.

Mare'uwwa



LOSA'N LAMO

LELLO

Bax 1

Kannii woroon yoo gundi atoorachcha ki'n losisaanchi Itophphe 'i mare 'i suumi qanannaa'akkamaare laseesakka'a lamina ikkakka'a losehe.

I kitaab hannonne

Anna : I beeto ,losa'n mine marimmi amman afaakko.kaba hundem mu'uttuwam amaddaa waare.

Beeto: I kitaaba siideena xanumoyyo. Abba kitaaba am adimmi irto.baxxanchi woro niina uwwammo baxo qanannaa'oosmo

Anna: Eebeelas ki kitaaba hanno dissito laboo?Borsi/ kek kes woro bee'enihe?

Beeto: Borsi woronnem bee'e. ara'i lugummonnem bee'e. xaraphpheetz illagennem bee'e. xaqashshi gadannon nem bee'e. xaraphpheetz afa'laachchannem bee'e.

Anna: Kitaabuwwa dissakkamaan hane moo'e

Beeto: Hay Abba eeke'ennem bee'ukkoyyonihe?

Anna: Xaqashshina xaraphpheetzina lambe'e yooda'e moo'e.

Beeto: Hay ee beyyonnem bee'e.

Anna: Ayyi la'ukko losa'n minenne xaddaanihe?

Beeto: eeyya Abba !kaba sawwummo losa'n mine uraa waarattette.Abba arqa galaxxoommo

losixxi1

hanaan hincu gund atoorachcha shooto'i issimminne ki'n lo-sisaanchi xa'moo xa'michchuwwa Itophphe'i mare'i suummi dabachcha uwwehe.

1. Beet losa'n mine mareena hasukkok maruchcho?
2. beet kitaaba siidukkok annanihe?
3. beet kitaaba siidukkok borsi/kekkes woronnenihe?

Bax 2


Kannii woroon uwwamukki sagalluwwi woriinsi onto doo'litak-ka'a Itophphe'i mare'i suummi xuunsammi woca baxehe.

 <p>Xaraphpheeza</p>	 <p>Xaqashsha</p>	 <p>Heemachchi boorda</p>
 <p>Dabitara</p>	 <p>Kitaaba</p>	 <p>Irsaasa</p>
 <p>Iskibiirto'o</p>	 <p>Gad Losaanchi borsa /kekkesa ano</p>	 <p>Boorjo'o</p>

1. lugumo, lugumminne, woroon, worinne
2. hanaan, haninne
3. midaado ,midaadinne
4. illage ,illaginne
5. laso ,lasaginne

USHEEXXAT LAMO

TOMMANNEE SAS AGA'N UWWANCHA



LOSA'N MATO

DABA'LAKKA'A MOO'IMMA

Bax 1

Saanta yoo balla sawwimminne gaalchi beshshuwwi fintama kuramona Itophphe'i mare'i suummi xa'mehe.ki'no'i gaalchi beshshuwwi xa'mamooharem dabachcha kullehe.

Losixx 1

Kannii woroon xa'mamukki xa'michchuwwa qanannaa'lakka'a mare'i suummi daballehe.

1. Kaball ayyaam maha?
2. Sood ayyaam maha?
3. Insoodi ayyaam maha?
4. Beeball ayyaam mah hee'ukko?
5. Beeballi illagee'n ayyaam maha?


Losixx2

kannii woroon xa'mamukki xa'michchuwwa gaalchi atoorachcha shooto'i issimminne mare'i suummi daballehe.

1. Hadaashshi, saant losa'n ayyaamina mee'i balla?
2. Sanni, saant losa'n ayyaamina mee'i balla?
3. Oroob, saant losa'n ayyaamina mee'i balla ?
4. Bica'i, saant mee'iq bax balla?
5. Kamsa saant mee'iq bax balla?

Bax 2

Kannii woroon yoo misila moo'imminne misilanne moo'amoo luwwa mare'i suuminne ki'n losisaanchina moo'isehe.



Bax 3

Ayyaam hafachchi duuha'a gaalchanne ikkalka'a mare'i suuminne xa'mammehe.

Amman hafachchi amaxxa ki'n gaalchi beshshuwwa mare'I suumi xa'mehe. Gaalchi beshshuwwi xa'mamooharem dabachcha uwwehe.












1. Kaballa ayya'l duuha'i hinkidette?
2. Beeballa ayya'l duuha'i hinkidet hee'ukko?
3. Sooxx ayya'l duuha'i hinkid iheena xanoo?

LOSA'N LAMO

MOO'IMMI QANANNAA'IMMA

Bax 1

Kannii woroon yoofara'lworro hincu agannuwwa ki'n losisaanchi mare'i caakkisukkuyyi danaamisa laseesehe.

xigo	Agana	mare'e	xigo	Agana	mare'e
1	Mosoro'o		8	Shaashshige	
2	Xiqimte		9	Gonooda	
3	Hidaara		10	Sane'e	
4	Tisaasa		11	Hamile'e	
5	xirire		12	Naase'e	
6	sakkatiite		13	Qaaqu me'e	
7	Maggaa wwrite				

losixx1

Hiincho yoo annannichchi agan mee'iq aganda'e ihukkisa qa-
ddaa'imminne;ki'nuwwi mee'iq agana qarantakkoda'e mare'i
suumi caakkissehe.

Kobi'lishsha:

Mosoro'i, hiinchi luxxi agana

Qaaqume'i, tommanee saxxi agana.

An qaramumokki Sakkaatiixxi aganannette.

losixx2

kannii woroon hincukk hiinchi aganuwwa moo'lakka'a gatu
agana mare'i suumm moo'issehe.


Mosoro'o _____ Hidaara _____ Sakkaatiitte

_____ Shaashshiga _____ Gonooda _____

Hamile'e _____ Qaaqume'e

Bax 2

Kannii woroon uwwamukki sagalluwwa awwaaxximmi mare'i
suummi xuunsammi woca baxehe



Bax3

Qanannaato

Kannii woroon yoo gund qanannaato ki'n losisaanchi Itophphe'i mare'i suumi qanannaa'akkuuyyi awwonehe.

TOMMANNEE SAS AGA'N UWWANCHA

Itophphe'i tommoo sas aganaa eelliinchoo siiddam uullichchotte. Itophphe'enne sane'i kolli Mosoro'i kolli afeebe'e xeenam ammane. Ka xeenam ammanennem eelliincho siiddamo. Ku duuha'i Itophphe'e ayyi aganannem daadeeshshina taaphphan issaakko. Xeen yoo amman Mosoro'i lasaanchi afeebe'e mareena xanoookko. Ka mashka'inne Xiqimtii ki'isa Gonood afeebe'e daadeeshshina makk aganuwwa. Xeen siidamoo ammane Itophphe'ik lophphoo kolli shaano'i ihaa moo'amookko. kukim illina mishisoo uumo'i qoocci hee'oo'isa issookko.

Lobakat daadeesaan annanni annanni ammane Itophphe'e waaramookko. Mosoro'i agana Itophphe'e waaramoo daadeesaan xeen yoo amman beeddukkisami haraar biira mishisoo'isa issoo baar fiittuwwa moo'immi gada'i yookko. Mosoro'i agana moo'amoo fiittuwwi mat jee'l fiittaa yakkamanne.

Eebikkina Itophphe'i tommoo sas aganannee eelliinchoo siiddaman ihimma kichchi issakka'a tommoo sas aganaa eelliinchi uwwanchi yoo uulla yimminne daadeesaan caakkisamookko.


losixx3

woroon yoo xa'michchuwwa qanannaaxxisinne Itophphe'i mare'i suum daballehe.

1. Itophphe'enne xeenam agannuwwi hinka keeno?
2. Itophphe'enne daadeeshshina makk agannuww hinka keeno?
3. Itophphe'i tommoo sas agana eelliinchi uwwanchi yookko yakkamokk mahina?

USHEEXXAT SASO

NI AMBA'A



LOSA'N MATO

MOO'IMMI QANANNA'IMMABAXI

Bax 1

Gaalcha ikkakka'a ki'n beshshuww heechchi ga'na Itophphe'i mare'i suumi xa'mehe.ki'n gaalchi beshshuwwim ki'nuww heechchi ga'na xa'mamoohare dabachcha uwwehe.

1. Ki amba'i hanno ?
2. Ki amba annanni mare'i mah hee'aa?
3. Ki amb losa'n minii hinkeenette?
4. Ki heechchi beyyi hanno?

Bax 2

Kannii woroon yoo misillanne moo'amoo luwwa midaado yoo beshshichchi Itophphe'i mare'i suummi atoorallehe.



LOSA'N LAMO

LELLO

Bax1

kannii woroon yoo gund atoorachcha ki'n losisaanchi Itophphe'i mare'i suum qanannaa'akkamaare xorto'aallisa moo'imminnee hindiyaatinne lamina lamina ikkakuuyyi lossehe.

NI AMBA'A

Losisaanchi Liire'innee Caakko'innee issakko'i atoorachcha.

losisaancho: xummam hosakka'a losaan?

Liire: xummam hosakka'a losisaanchi? Nees horiyyem xummuwwa

losisaancho: Ka amba maha baxakkamulla?

Caakko: Ni ambi keyyette.

Losisaancho: Ka ambi summa maha yakkamo?

Liire: Ku amba loh kiillo'o yakkam amba

Losisaancho: Annanni mare'i maha?

Caakko; Ka beyyo Shawwi Shiqqeen/yuunversite'i losa'n min yookko

Liire: Sakkaatiixxi 12 tiirim sood yookko.

Losisaancho: Qoxar losaano.Ki'nuwwi heechchi ga'na la'im-mii annanni mare'uwwa do'ixximmi horiyyem hara'moohane.Eehana ki'n losa'n min siida mookkok ka beyyi hinka kollonnette?

Caakko: Ni losa'n min ee kollo.

Losisaancho: Ka kollo maha yakkamo?

Liire: Hanaan qara

Losisaancho: Horiyyem qoxar ooso. Kaba atoorallumokka sooxx dara baxxanchi woro endoommo. Annannichchi losaanimmi gaq heechchi ga'na, amba'aa ambi annanni mare'uwwa xa'minum muuyyi atooralloommo.

Caakko: Ekku ni losisaanchi xumma hossehe.

Liire: Ni amba'a lanqona soggakko'i bikkina galaxinnoommo!

Losisaancho: losaan xumma hossehe!


losixx1

hanaan yoo gund atoorachchisinneworoo'n xa'michchuwwa hanq ihukkoka "Hanqa"huushshanchi ihukkoka "Qophphano"y-imminne Itophphe'i mare'i suuminne daballehe."Qophphano"y-imminne dabatakk'o'i xa'chchuwwi hanqo'i dabachcha losisaanchina kullehe.

1. Liire'i, Losisaancho ka amba maha yakkamoo yaa xa'maakko.
2. Liire'aanina Caakko'i ambina annanni mare'i Shawwi Shiqqeen losa'n mine.
3. Liire'ikii Caakko'i losa'n minii ixuwwi ambi woroon kollosiida-mookko.
4. Liire'ekii Caakko'okii ixuwwi losisaanchikii mat amba'a
5. Liire'ikii Caakko'i ambii loh kiillo'o yamamookko.


Bax 2

Kannii woroon uwwamu mare'uwwa awwaaxximmi mare'i suumi xuunsammi woca baxxehe



USHEEXXAT SOORO

MUCCUROOMA



LOSA'N MATO


MOO'IMMI QANANNAA'IMMA

Bax1

Gaalchi beshshuwwi orachchi baxxanchuwwa fintamona xa'me-he. Gaalchi beshshuwwi ki'nuwwi orachchi baxxancha fintamona xa'mamoohare Itophphe'i mare'i suum dabachcha uwwe.

Bax2


Kannii woroon misillanne moo'amoo orachchi baxxanchuwwi baxxeewwa Itophphe'i mare'i suum caakkiseehe



1. Illinne _____
2. Saninne _____
3. Maccinne _____
4. Maxxaalluwwinne _____
5. Allabinne _____

Bax 3

Kanniii woroon yoo misila moo'imminne misillanne moo'lak-kam orachchi baxxanchuwwa Itophphe'i mare'i suum atoorallehe.


























LOSA'N LAMO

XUUNSAMMI WOCA BAXIMMA

Baxo 1


Kannii woroon uwwamu mare'uwwi lambe'i onto doo'litak-ka'altophphe'i mare'i suum xuunsammi woca baxxehe.

 <p>Anga</p>	 <p>Sane</p>	 <p>Ille</p>	 <p>Macce</p>
 <p>Allabo</p>	 <p>Lokko</p>	 <p>Inqe</p>	 <p>Horoo'l saraata</p>
 <p>Orachcho</p>	 <p>Gudumo</p>	 <p>Tunku'la</p>	 <p>Maxxaara</p>
 <p>Horoore</p>	 <p>Biqe</p>	 <p>Godabo</p>	 <p>Suume</p>

			
Gaanje	Yabura	xabano	Eergaxa
			
Aanshaqimma	Miinqeesimma	Muccusimma	

Bax 2

Kannii woroon yoo misilluwwa xorto'aallisa moo'lakka'a misilluwwanne moo'lakko'i luwwa ki'n losisaanchina Itophphe'i mare'i suummi kullehe.



1.

2.

3.

4.

5.

6.

LOSA'N SOORO

QANANNAATO

bax1

kannii woroon yoo gund qanannaato ki'n losisaanchi Itophphe'i mare'i suummi qanannaa'akkamaare hindiyyaatinne laseesehe.

GAQI MUCCUROOMMA

Ni olla'a lobakat oos yookko.ku ciilluwwi losa'n minii daba'lamaa hund ammannem ni amba siidamoo haraar beyyonne lellamookko.Oos annann annanni lello lellamukkuuyyi moo'immi liiransookko.kaballa ihukkaarem lobakat oos lelli beyyo waaroo'n gataakko.

Ni amba umura shiqqeen manchi abbaachchi Gabure goog higakkam ammanne oos hoffe'ukkos kichche'isaa ooso ooso yakku'uuyyi weeshakk. oosommi lellamoolli hee'ukki bikkina ayyim isse macceesukkooyyo.la-saancho abbaachchi Gammad ciila Lombaame hind yito'o. Geettu'uuyyi issi kollo hootta'a maha hassakkoda'e xa'mito'o. Issem lello oos mahina hoffe'uda'e xa'makko'aa, issem lello oos lobakatoom jabbamaakkoo yito'o. Oos hinkido'i jabbi xissamaatte yakka'axa'makko'o. Ciilam mah jabbida'e la'umoyyoo yito'o.

Abbaachchi Gaburem woshshi lobakata kichche'isu bikkina issi olla'i mancho ayyichchi Faaximma xa'makko'o.ayyich Faaximamm lobakat oos muccuroo'm hoong jabbamukkisa kutto'o. Issem ammane bi'isak-koo'n lelli beyyo daba'lakka'a marakka'a oos wixxammoo'isa xa'makko'o.

Hundem oosim wixxammaa isse mahina hasakkoda'e sawwamukkuuyyi egerimma asheeramukko. Lommanchim ixxuwwi beshsheewwi lelli beyyi mahina laso gatamuda'e xa'makko'o. Hundem oosim mahina laso gatamuda'e la'amubee'isa kuramukko. Issem oos jabbamukkisaa jabbamukkookim gaq muccuroo'm beechhinnet ihukkisa losaanina caak-kisakko'o. Oosim gaq muccurooma yimmi mayyimma yamma isse xa'mamukko?

Lommanchim qaphphakka'a ,gaq muccurooma yimmi gaga yimmim ni orachchi baxxanchuwwa aansha'imma,muccusimmaa ee'isam egerimma yakka'a caakkisakko'o.ki'nuwwi balli hundam lellina ka haraar beyyo waatakkammo,ka beyyo odim dir yookko.Di'l woronne illina moo'amoo-bee'i jabbo eebamoo foochchi illichcha'uwwi yookko.Ee bikkina lelli lasage hund ammannem orachcho aanshaqimmi hasisoo'isa sogakko'o.

Oosim aanshaqim hasisookkok lelli daba'lina lasag xale'enihe yammaa xa'mamukko.Lommanchim horiyyem danaam xa'michcha yakka'a caak-kishshaa asheerakko'o.kid yakko'o hund ammannem diriichchi ki'i'lak-kam ammanne illee angaa aanshaqim hasisookko.Eehan mulleka odim hund ammannem hurbaata ittakeena illag anga aanshaqimma xadimm hasisooyyo.hurbaata ittakkam amman xale'i ihoo'n ee'isam shu'm mine aagakka'a fittakkamaare anga saamuninnee wo'innee aanshaqqehe.

Oosim ekku abba galaxxinnoommo yammaa lello asheeramukko.


losixx1

hanaa'n qanannaaxxissinne ki'n losisaanchi xa'makkam xa'michchuwina Itophphe'i mare'i suumi dabachcha uwwe?

1. Olla'a yoo oos losa'n mini daba'lammaa lellamookkok hannonnette?
2. Amba'i shiqqeen Lommanchi abbaachchi Gabureigizaabeer ooso weeshakka'a xa'makko'okk maha?
3. Amba'i oos jabbamukkok mahinnette?
4. Lommanchi amba'i oosina gaqqi muccurooma yimmi mayyimda'e hinkide caakkisakko'okk?
5. Lommanchi amba'i oosina lelli lasage aanshaqimm hasisookko yakko'ok mahina?
6. Gaq muccurooma egerimm hasisookkok hink balla?

USHEEXXAT ONTO

ANNO'I BAX SHARADA



LOSA'N MATO


MOO'IMMI QANANNAA'IMMA

Bax 1

Gaalchi beshshsuww abaroos tuuttuwwa fintamonaa bax sharad mada'e kuramona Itophphe'i mare'i suummi xa'mehe. Ki'nuw-wim xa'mantakkolas daballehe.

Bax 2

Kannii woroon yookki misilluwwa moo'imminne misillanne moo'amoo baxeewwa ki'n losisaanchina Itophphe'i mare'i suumminne caakkissakkuuyyi moo'isehe.



- 1.
- 2.
- 3.
- 4.

Losixx 1


Kannii woroon hincu xa'michchuwwa Itophphe'i mare'i suume daballehe.


1. Kiina abbaayyuwwi hee'aa?
2. Mee'i abbaayyuwwi hee'aa?
3. Kiina ayyuwwi hee'aa?
4. Mee'i ayyuwwi hee'aa?
5. Kiina lob anno'i hee'aa?
6. Mee'i lob anno'i hee'aa?
7. Ayyenneme hee'loutokki?

Losa'n lamo

LELLOBAX 1

Kannii woroon yoo mare'uwwika onto doo'limminne Itophphe'i mare'i suumminne xuunsammi woca baxehe.





Bax 2

Kannii woroon yoo gund atoorachcha ki'n losisaanchi Itophphe'i mare'i suummi qanannaa'akku'uuyyi xorto'aallisa moo'lakka'a hind yitakka'a lasage lamina ikkakka'a korkori losehe.

I ABAROOSA

Losisaancho: Makkoro hinkidette?Hanno mattoollah?

Makkoro: xummanihe losisaanchi.Abaroosinnem qarmann bollochcho'o maroomulla.

Losisaancho: Horiyyem liiransookko.Kaba ki abaroosa losisanse?

Makkoro: Ekku losisaancho.kuk iyyanna.Summim Qoxara yamamookko.Abba kuk losisaancho summim Mallaakku yamamookko.

Abb Qoxara: xummanihe losisaanchi!Ki'ne edamumm bikkina liiramaammo. Tute I mi'n amatte.suummim Saratette.

- Losisaancho: abb Qoxar xummanihe. Anim losamumm bikkina liiramaammo.
- Abb Qoxara: issuwwi Kabbad abbaayyoo aayyattee. Lobokk Ayyala yamamookko hoffote Hiiruuta yakkamotanne.
- Losisaancho: ooso xummam yoontakke'enihe?
- Makkoro: ook I lob anna, summim Abb Xummisotte. Ise odim ixx mi'n ama Tiiraame yamamtammo
- Losisaancho: Makkor balluwwi xummanihe ?
- Makkoro: ook iyyum anna summim Caakkisoo yamamookko. Ise odim ayyichchi Eroomme yamamtammo.
- Losisaancho: Makkor balluwwi xummanihe?
- Makkor: ixxuwwi iyyanni abbaayyuwwa. Keen yoom mamek iyyum abbaayyo aayyatte.
- Losisaancho; Makkor annabbaayyuwwi adeewwi xummuwwan-
ihe*
- Makkoro: ku lamim iyyannabbaayyuwwi ooso. Oo sasim iyyad ooso.
- Losisaancho: Losantakko'is horiyyem losisookko.
- Makkoro: losisaancho, kakeeno abaroos . Hundim bol-
lochcho'o mallumuuyette exxinumokki
- Losisaancho: Makkoro abaroos losisansit bikkina araqqa galaxxoommo.

losixx1

hanaan hee'ukk gund atoorachchisinne ki'n losisaanchi xa'moo xa'michchuwwina Itophphe'i mare'i suum dabachcha uwwehe. dabachchi Hanq ihukkoka "Hanqa" Qophphan ihukkoka "Qophphano" yimminne daballehe. Qophphano yimminne dabachcha uwwitakko'aanina Hanqo'ika caakkisehe.

1. Makkor abaroos maqirem qarmann bollochcho'o marukkuuyyi losisaanchi exxaakko.
2. Makkor, losisaanchina kuk iyyanni Malaakkutte yaa losansaakko.
3. Makkorina lam abbaayyuwwi mat aayyaa yoommame'e.
4. Abb/ Xummisii Ayy/Tiiraame Makkor lob anno'o.
5. Makkorina sas ad oos lam annabbaayyi oos yoommame'e.


Bax 3

Abaroos qaranchi qarooma moo'isoo misila baxxehe. Misillan-nem kannii woroon fintamu qarooma edimminne Itophphe'i mare'i suuminne moo'issehe.

- ◆ Ki'nuwwi lob anno'o
- ◆ Ki'nuwwi annaa ama
- ◆ Ki'nuwwi annabbaayyuwwa addeeww
- ◆ Ki'nuwwi abbaayyuwwa aayyuwwa
- ◆ Ki'nuwwi gaga

USHEEXXAT LOHO

OOSMAHABAXAMOOLLA?



LOSA'N MATO

MOO'IMMI QANANNAA'IMMA

Bax 1

Kannii woroon yoo misilluwwa xorto'aallisa moo'lakka'a misilluwwanne moo'amoo luwwa ki'n losisaanchina mare'i suuminne kullehe.



Bax 2

Kannii woroon yoo misilluwwa moo'imminne misillanne moo'lakkam bax bikkina ki'n midaado yoo beshshichchinne Itophphe'i mare'i suumi atoorallehe.





Bax 3

Kannii woroon yoo misilluwwa moo'imminne misillanne moo'amoo bax bikkina caakkishshuwwa ki'n losisaanchina Itophphe'i mare'i suuminne kullehe.





LOSA'N LAMO

LELLO

Bax 1

kannii woroon yoo gund atoorachcha ki'n losisaaanchi Itophphe'i mare'i suumi qanannaa'akku'uuyyi moo'lakka'a erisa hind yitakka'a lasage lamina lamina ikkakka'a korkor lossehe.

Ki'nuwwi maha baxakkamulla?

Anna: Ooso,oo oos hanno maramaatte?

Beeto : Eeyya Abba?

Anna: Maha weeshoomaare macceesakkamoyyonihe? Maha baxakkuuyyidu kaa'na weeshoomaare macceesakko'ibee'ek?

Beeto: Oot tochcho fillaa xulbe'elellinnoomulla.

Anna: Kiyyabbaayyii kiyyaayya mah ihamukko?

Beeto: Ixxuwwim yoommame'e. Ixxi niinni maqirem xulbe'e lello olla .Ise odim beshshuwwi maqirem heechchi xophphe'e lellitamulla.

Anna: Kaba ihookko aaggehe. kaba amman mi'n baxo baxakkama nee qanannaa'lakkamanee

Beeto: Ekku abba.Maraa lamom weeshshoommo?

Anna: Danaamo qaqqisaa weeshshe,qanannaa'lakkamo.Qanannaa'-imma guulitakkamaare maha baxakkamda'e atooralloommo.

Beeto: Ekku

Anna: Waattakko'onihe? Hayya qoxalla!Kabad afeebe'e lellitakko'i qax ihookko.Kaba mi'n baxo luxx beyyo baxxakkamo. Mi'n baxo guullitakko'isam soroobak kammo.Soroobimma guullitak ko'isam hundim usheexxitakka'a ee lasage ki'nuwwi mat duub kaashsha wo'o agisakkamo,lamim odim mi'n woro mat mu'uta aanshitakkammo mat gaxa fi'i'lakkam-mo.

Oosimmi: Ekku Abba !soroobimma guullina maha baximmi hasisooda'e atooralloommo.

Anna: Danaamo I ooso.


Losixxa1

Hanaan yoo gund lello shooto'i issimminne ki'n losisaanchi xa'moo xa'michchuwwa Itophphe'i mare'i suumi dabachcha uwwehe.

1. Oos maha baxxamulla?
2. Beet aayya maha baxamulla?
3. Ann ooso weeshsha maha baxamona ijaajukkok?
4. Ann ooso soroobammaa lasage maha baxammo xa'mukkok?
5. Oos mine waaramma lasage mah maha baxamooda'e ixxuwwi gagimmi bax sharada baxamamaakko .


Bax 2

Kannii woroon uwwamu mare'uwwa awwaaxximmi Itophphe'i mare'i suumi xuunsammi woca baxe.

 <p>Kitaabimma</p>	 <p>Itimma</p>	 <p>Agimma</p>
 <p>Afuurimma</p>	 <p>Diriirimma</p>	 <p>Qananna'imma</p>
 <p>Lellimma</p>	 <p>Xophhimma</p>	 <p>Geerimma</p>

USHEEXXAT LOHO

OOSMAHABAXAMOOLLA?



LOSA'N MATO

MOO'IMMIQANANNAA'IMMA

Bax 1

Amma'n hagalluwwa gaalchi beshshuwwa Itophphe'i mare'i suumi xa'mehe. Gaalchi beshshuwwi xa'mamookkokam Itophphe'i mare'i suumi daballehe.

Bax 2

Kannii woroon yoo misila xorto'aallisa moo'lakka'aworoon yoo xa'michchuwina ki'nuwwi dabachcha losisaanchina Itophphe'i mare'i suumi moo'issehe.



1. xeenam ammanne maha yakkamoo?
2. Fiittuwwi fiittoo ammanne maha yakkamoo?
3. Eelliinchi lophphoo ammanne maha yakkamoo?
4. Fiittuwwi gogookkokkaa buyyi giggiroo ammanne maha yakkamoo?

Bax 3

Kannii woroon yoo misila moo'imminne misila moo'lakkam duuha'uwwa ki'no'i beshshichcho Itophphe'i mare'i suummi xa'mehe,ki'nuwwi beshshuwwi xa'mamookkokkam mare'i suumi daballehe.



LOSA'N LAMO

LELLO

Bax1

Kannii woroon yoo gund atoorachcha ki'n losisaanchi Itophphe 'i mare 'i suuminne qanannaa'akkamaare moo'imminne lamina ikkakka'a lossehe.

HAGAYYI AMMANNE LOSAN BEE'E

Lophphiso: Mixoore xummatenihe?

Ayy/Mixoore: Xummanihe!Lophphiso hinkidette?

Lophphiso: ayy/Mixoore xumma.Hanno matakkeenatte?

Ayy/Mixoore: Minina hasisoo qiixa bitaa'eena meera maroomulla.

Lophphiso: Ki'kena eelliinchokkoo yaattette.

Ayy/Mixoore: Eeyya eelliinchaakko ihukkaarem Jaanxila/Daato'o amadaammo. At kaba keyye maha baxxoolla losa'n mine matooyyonihe?

Lophphiso: Hagayyena'lehe! hagayye losan bee'e

Ayy/Mixoore: AHH! hanqa, xadaatette.kaba losan beelas iin maqirem meera mallona hara'mittootto

Lophphiso: Ekku Ayy/Mixoore

Ayy/Mixoore: Hagayyi xale'e losan bee'ek?

Lophphiso: Eeyya!ni losisaanchi kurakko'isa soor amman yookko. Fiitte, Bille, Qaraaxoo. Hagayye yamamookko. Hagayye yakkamokk xeenam agannuwwi ammane. Eebikkina xeenaaam aganuwwi ammanne losan bee'e. mulli sasem ammanuwvim losa'n ammanne.

Ayy/Mixoore: Horiyyem qoxar beeto! ki losisaanchi kurukkoka xaddittoyyo. Hagayye losan bee'uta'nim qanan

naa'immi hasisookko. Ka'isa issit beelas losan asheer eena illage lossitti losano xaddootto.

Lophphiso: Ekku ayyichchi/Mixoore qanannaa'oommo! Soggakko'i bikkina galaxxoommo. Xaddaammo woshsha sawwoommisina issitakko'ookko.

Ayy/Mixoore: Mahayyomme ,at I beetoyyonihe?Inam sharad yook ko.Kaba qoxar beet ihmimi hasisookko.

Lophphiso: Ekku!

Ayy/Mixoore: Kaba meera anfaammo woro aanga hasisoo luwwa qaqqinsaa bitaa'na daba'linnona.

Lophphiso : Ekku!Qaphphinaa aa'numta'nimm hawwi bee'e ki'n hasakkam luwwa bitaa'naa daba'linona.

Losixx1

Hanaan yoo gund atoorachcha shooto'i issimminne ki'n lousisaanchi xa'moo xa'michchuwina Itiphphe'i mare'i suumminne dabachcha uwwehe.

1. Ayyich Erkobe hano matteenatte?
2. Hanqeeb losa'n mine marubee'ek mahinatte?
3. Hanqeeb Ayyich Erkobena kuru soorem ammanim hinka keeno?
4. Hanqeebina soorem ammannuwwi bikkina kurukkok ayyette?
5. Ayyich Erkobee Hanqeeb maqirem maramookkok maha baxameenatte?


Bax 2

Kannii woroon uwwamu sagalluwwa awwaaxximminne Itophphe'i mare'i suumminne xuunsammi woca baxxehe.

 <p>Hagayye</p>	 <p>Qaraaxo</p>	 <p>Qiida</p>
 <p>Duuba</p>	 <p>Fiitte</p>	 <p>Eellincho</p>
 <p>Xeena</p>	 <p>Hafachcha</p>	 <p>Bille</p>

USHEEXXAT SADEENTO

I LOSISAANCHO WICATTE



MOO'IMMI




QANANNAA'IMMA

Bax 1

Gaalchi beshshuwwi ,manna,mat mat luwvaa caakkisaano finta-
mona Itophphe'i mare'i suummi xa'mehe.Gaalchi beshshuwwi
fintamu bee'i luwwa edimminne atoorallehe.

Bax 2

Kannii woroon yoo misilluwwa moo'imminne misila moo'lak-
kamokka ki'n losisaanchina Itophphe'i mare'i suumi kullehe.



Bax 3

Kannii woroon yoo misila moo'imminne misillanne moo'lak-
kam luwuwwa ki'n midaado yoommame beshshuwwa Itoph-
phe'i mare'i suummi xa'mehe.Ki'n beshshuwvim xa'mamook-
koka mare'i suummi daballehe.




LOSA'N LAMO

XUUNSAMMI WOCA QOCCIMMA

Bax1


Kannii woroon uwwamu mare'uwwa awwaaxximminne Itophpe'i mare'i suummi xuunsammi woca baxehe.





Bax 2

Kannii woroon yoo misilluwwa xorto'aalis moo'lakka'a misilluwwa ki'n losisaanchina Itophphe'i mare'i suumi moo'issehe.



LOSA'N SASO

QANANNAATO

Bax1

Kannii woroon yoo gund qanannaato ki'n losisaanchi Itophphe'i mare'i suumminne qanannaa'akkuuyyi xorto'aallisa laseesehe.

QEERAA'L GOOGO

Laambor ni amba yoo qoxar losaan mato.Mat balla ixn anninnee amannee meera marukko.Meera maramukkukim Laambor losano eebu shiqqeen mish liiransukkaare annii amaa habiillo aa'ameenat hee'ukko. Laamboraam hee'amookkoki beero'iinse qee'l ihaakkoo haxuulli amma-ba'i ihubikkina qeeraa'l googo lokki marimma asheeramukko.

Meera afamukkisam Laambor ann maha hasooda'e xa'makko'o. ixxim heemachchi sareewwana ,qadaalli shuraaba,baar gumu'laalli shuraaba,kuulli kobe'e,kashshar kaalise'e,qadaalli woro'l sure'ee gund shuraaba,shaano'i orachcho xoxxoollishshi eddechcha,wobil koot-taa heemachchi sabbattaa hasoo'isa issena kurukko.Qeeraa'l googo taakke'amaa waaramukki Laambori ixn ann hoong macceesamukki bikkina meera aagameenam gaassamma mat shahe'i mine aagammaa ushe-exxamukko.

Assinaaddamottem Laamboraam afuuramukki beyyi xaraphpheeza fi'i'luuyyi maha ijaajammo yita'a xa'mito'o.qeeraa'l goog hoogisaakko Laamborii anno'ii laslaasi waarona ijaajamukko. Isem ijaajakko'okka qaqqisa eeba fooqaa'immi burcuqo'i maqirem dissito'o Laamborim wic qeeraa'l burcuqo'o laslaasa inkiira agimma asheerukko.Laambor amana annina gund geejji burcuqo'o eeba hee'lo'o.Ixxuwwim Laamborisam burcuqo'o inkiiramaa agimma asheeramukko.Laslaasa agamma usheexx-ama lasage bito miqammaa meera aagamukko.

Meeriinsem Laambor hasoommo yukki habiillo hasamaa aa'ammaa lasage mine daba'lameena woda'i qeeraa'l googo aagamukko.


Losixx1

Hanaa'n qanannaaxxisinne ki'n losisaanchi xa'makkam xa'michchuwwina Itophphe'i mare'i suumi dabachcha uwwehe.

1. Laamborina habiillo aa'akko'okk mahinatte?
2. Laamborii ix x abaroos hee'amookkok hannonnette?
3. Laambor annina kurukkok maha bitaa'akkona hasoo'isa?
4. Laamborina ix x annina amana ichchi mine laslaasa agamona hincukki burcuqo'i hinkido'ane?
5. Laamborina hasisoo habiillo bitaa'ama lasage mine maramukkok mahinnette?

USHEEXXAT HONSO

KI BORSI MAHA LABOOLLA?



LOSA'N MATO


MOO'IMMI QANANNAA'IMMA

Bax 1

Baxxanchi woronne gaalchi beshshuwwi amadamukki luw-wa maha labooda'e Itophphe'i mare'i suumi xa'mehe. Gaalchi beshshuwwi xa'mamookkokam mare'i suumminne daballehe.



Bax 2

Kannii woroon yoo misilluwwa xorto'aallisa moo'lakka'a mis-illuwwanne moo'lakkamokka ki'n losisaanchina Itophphe'i mare'i suummi moo'isehe.



Bax 3

Kannii woroon yoo misilanne moo'amoo luwwa ki'n gadano yoo beshshichchi maqire Itophphe'i mare'i suummi atoorallehe.



LOSA'N LAMO

LELLO

Bax 1

Kannii woroon yoo gund atoorachcha ki'n losisaanchi Itophphe'i mare'i suummi qanannaa'akkuuyyi moo'lakka'a lamina ikkakka'a losehe.

SHAANO'I KUMBUUB SAA'ATA

- Losisaancho Xummam gatakka'a losaan?
Losaaano: Waa'ina galata xummam gallaammo losisaanchi.
Losisaancho Kaballa lossakkamokki matmato luwwi qoocca,qaxoomaa ixxuwwi hagaraa hinkid caakkinsoomda'ette.
Qoocci hagara gaassa ayyi kurookko?
Shawwo Kumbuuba, soor midaadoo sas midaadoo.
Losisaancho: Horiyyem danaamo!Eekeen xale'enihe qooc hagalluww?
Latiche Quunqisamma,boqqaa bidiqaakkoohane.
Losisaancho Danaamo!Kaba qaxoo'm hagalluwwa ayyi kuttakkaamo?
Lombeebo lobanne,lambe'aanchoo hoffanne .

- Losisaancho: Horiyyem qoxara! Qala'm hagalluwwa ayyi kuroo?
Erbeeto shaano, qadaalla, baara, heemachcha, kashshara wobila, kuullaa rooza.
- Losisaancho Horiyyem! Kabikkina kabad afeebe'e qoocci hagalluwwa, qaxoo'm hagalluwaa qalla'm hagalluwwa moo'naammo. kaba ee sasom mateeyyanne awwaaxxitakkuuyyi kuttakkamo. An mat kobi'lishsha moo'isoommo. Lob shaano'i kumbuub sa'aata.


Losixx 1







Hanaan yoo gund atoorachcha shooto'i issimminne ki'n losisaanchi xa'moo xa'michchuwina Itophphe'i mare'i suumi dabachcha uwwehe.

1. Losisaanchi losaano losisukkok mahi bikkinatte?
2. Shawwo'o losisaanchina tiissiisso'okki mahi qoocca?
3. Latiche losisaanchina tiissiisso'i qaxoo'm hagalluwwi mah maha?
4. Erbeet losisaanchina tiissiissu qalla'm hagalluww mah maha?

Bax 2


Kannii woroon uwwamu mare'uwwa awwaaxximminne Itophphe'i mare'i suummi xuunsammi woca baxehe.



 <p>Kashshara</p>	 <p>SHAano</p>	 <p>Baara</p>
 <p>Heemachcha</p>	 <p>Qadaalla</p>	 <p>soor midaado</p>

USHEEXXAT TOMMO

KI'NUWWIDARDARAMAHA BAXAKKAMMO?



LOSA'N MATO

MOO'IMMI QANANAA'IMMA

Bax1

Dardara maha baxakkamda'e mare'i suummi atoorallehe.

Bax2

Kannii woroon yoo misilluwwa moo'lakka'a misilluwwanne moo'amoo ammane ammane baxakkam baxeewwa ki'n losi-saanchina Itophpe'i mare'i suummi moo'isehe.



Bax3

Kannii woroon yoo misila moo'imminne misillanne moo'lak-kam ammane ammane baxakkam baxxeewwa ki'no'i gadan beshshichchi maqire Itophphe'i mare'i suumi atoorallehe.



Bax 4

Kannii woroon yoo misilluwwa xorto'aallisa moo'lakka'a an-nannichchim maha baxamolda'e gadano yoo beshshichchi Itophphe'i mare'i suumi atoorallehe?





LOSA'N LAMO

QANANNAATO

Bax1

Kannii woroon yoo gund qanannaato ki'n losisaanchi Itophphe'i mare'i suumm qanannaa'akkamaare hindyimmi awwonehe.

MISHAAM AMMANE AMMANE BAXOO BAXEEWWA

Mishaam ni baxxanchi qoxar oos mato. Ni losisaanchi ammanne ammanne banxoomm baxo caakkinsona xa'makkamaare Mishaam ixm ammanne ammanne baxo baxeewwa kid yaa caakkisookko. Hund amman-nem dara 12 sa'aata diriichchi baqqookko. Ee lasagem gaassa shu'm mine maraa lasage ille aansha iinsi mine daba'lookko. Iinse'ukki ara'a dahaa edde'oo eddechcha gudisookko. Awwona iins mine xuffaa hurbaaxx mine marookko.

Mishaam amam ginjira gudissa xaraphpheeza dissitamo. Mishaamim ginjira ittookko. Ginjira ittaaki'ulas iinqe miinqeesookko. Awwona borsa/kekkesa amadaa ama annaa xumma hossehe yaa losa'n mine marookko.

Losa'n mine dardara losano seeraamisa laseesookko. Usheexxax amman-neqocakko'isam baxxanchi firaa shu'm mine marookko. Shu'm minii firaa anga aansha'a wo'o agaa baxxancha aagookko. usheexxat laso yoo amma'n losano losaa guulla loh sa'aata hooshsho'ina firoomko. Borsi/kekkes woro hooshsho'o ittoo mu'uta amadaa ittoo beyyo maraa hooshsho'o ittaa lasage anga aansha'a mu'uta dissa sa'aaxxi lasaq losa'n amman afeebe'e ixm beshshuww maqirem lellookko.

Sa'aaxx lasaqq losan beedukkisam borsa amadaa mine daba'lookko. Gaassa losa'n mi'n habiillo dabaraa quunqoora ittaa lasage mi'n baxo baxookko. Hurbaata ittu mu'uttuwwa aansha lasage biira firaa beshshuwwi maqirem lellookko. mine daba'laatimmi mat sa'aata ihoo qax ammanne qanannaa'ookko. Amaa annii Mishaamina aagubee'i luwwa caakkisamookko. Soroobimma guullukkisam gaxa waara Televizhiina moo'ookko.

Hii'm 1 sa'aata ihukkisam lokko, angaa illee aanshaqookko. Ee lasagem gasso'o ittaa iinsi beyyo mareena illage usheexxookko. Hii'm lam(2) sa'aata ihoohaare iinsi beyyo maraa iinse'ookko.

Ku Mishaam hund amma'n bax sanii ki'isa hadaashshi ayyaam afeebe'e baxoohane. Hoffa'a abba'aa losa'n mi'n baxeewwi gataa muli keen yoo'isam ihookko.

Bax 2

Kannii woroon uwwamu mare'uwwiinsi onto doo'limminne xuunsammi woca baxehe.



losixx1

Hanaan yoo gund qanannaato shooto'i issimminneki'n losisaanchi xa'makkam xa'michchuwwina Itophphe'i mare'i suumm dabachcha uwe.

1. Mishaam dardara maha baxookko?
2. Mishaam losa'n mine ammane ammane baxoo baxeewwi mahi maha?
3. Mishaam losa'n mini mara baxoo baxeewwi maha maha?
4. Mishaam him hiimo maha baxookko?

USHEEXXAT TOMMOO MATO

ORACHCHO XOXXOOLLISHSH LELLO



LOSA'N MATO



MOO'IMMI QANANNAA'IMMA


Bax 1

Ki'n gaalchi beshshuwwi maha baximma iittamooda'e Itophphe'i mare'i suummi xa'mehe. Ki'nuwwi beshshuwwim maha iittitakkamda'e xa'mamoohaare dabachcha uwwe.

Bax 2

Kannii woroon yoo misilluwwa xoxxoollisa moo'lakka'a misilluwwanne moo'lakko'okka ki'n losisaanchina Itophphe'i mare'i suumm moo'isehe.





Bax 3

Kannii woroon yoo misila moo'imminne misillanne moo'amoo orachcho xxxoollishsh baxeewwa ki'n midaado yoomamme'i beshshuww Itophphe'i mare'i suumm atoorallehe.



LOSA'N LAMO

QANANNAATO

Bax1

Kannii woroon yoo gund qanannaato ki'n losisaanchi Itophphe'i mare'i suummi qanannaa'akkuuyyi xorto'aallisa laseesehe.

ORACHCHO XOXXOOLLISHSHI LELLO

Orachcho xxxoollishshi lelli manchi beet wossa hoorimmi higaa lobakat awwaaduwwi yookko.Orachcho xxxoollishshi lelli mi'nanne bii'lanne yamamaa weeshshamookko.Mi'n woro'l orachcho xxxoollishshi lelli-inse xaraphpheez Teennis, jootanne'i, puull, karambullii boolliing laboo keen siidamookko. Mini bii'lanne yakkam orachcho xxxoollishshi lelliinse lokki xulbe'i,neetxulbe'i,qarcaaxx xulbe'i ,ang xulbe'i,geellichchi,huushshimmaa xophphimmaa laboo keen siidamookko.

Orachcho xxxoollishshi lello ammane higishshisa moo'noomaare lam duuha'i yookko.Mat mull keen lellamookki orachcho xxxoollishsha la-seesimmi ihukkuuyyi la'mek ni gagim orachchi xoxoollishshi lello baxx-amimma.

Orachcho xxxoollishshi lelli orachchi fayya'oommuna erisa hasisoo-hane.Mann ixxuww gaq fayya'oommuna ayyaam hundam ayyi baxisam orachchi xxxoollishshi mikmikaato issimmi hasisookko.Mann gaq hasa'nisinne annanni annanni orachcho xxxoollishshi mikmikaato is-samookko.

Orachcho xxxoollishshi lelli ammanne higishshiinse fayya'oommuna hasisoohanonnem exxaa uulluwwa hinc hincaa'imminaa losansimminaa shiqqeen ill-sawwit yookko.Itophphe'i geellichchinne heer uullanne la'antamaan mato.Annannoommannem lambe'aanchinnee qeeraa'l killo meetira geellichchinne summanto'o geeraano fissimmi la'antammo.


Losixx1

Hanaa'n yoo gund qanannaato shooto'i issimminne ki'n losi-saanchi xa'makkam xa'michchuwwa Itophphe'i mare'i suumminne dabachcha uwwehe.

1. orachcho xoxxoollishshi lelli mann ammanne higisooohan mulli aw-waad maha?
2. mi'n woro'l orachchixoxxoollishshi lello yakkam keen hinka keeno?
3. Bii'l orachcho xoxxoollishshi lello yakkam keen hinka keeno?
4. Orachcho xoxxoollishshi lello ammanne higishshisa awwaaxxin-noommaare hinkido'I haalat hee'ooda'e caakkisehe?
5. Itophphe'i la'antam orachcho xoxxoollishshuwwi horoor ikkam keeno sawwitakka'a kullehe?


Bax 2

Kannii woroon uwwamu mare'uwwi Itophphe'i mare'i suumm xuunsammi woca baxehe.



USHEEXXAT TOMMOO LAMO

LOSISAANCHI LOSA'N MINE BAXOOKKO



LOSA'N MATO


MOO'IMMI QANANNAA'IMMA

Bax 1

Gaalchi beshshuwwi la'amookki bax hagalluwvaa hanno bax-amooda'e fintamoo'isa Itophphe'i mare'i suumm xa'mehe. Gaalchi beshshuwwi ki'nuwwi laqakkam bax hagalluwvaa hinke'e baxakkamda'e fintamona xa'mamoohaare dabachcha uwwe.


Bax 2

Kannii woroon yoo misilluwwa moo'imminne misila moo'amoo lachchi mann bax beyyi handa'e ki'n losisaanchina Itophphe'i mare'i suumm moo'isehe.



Bax 3

Kannii woroon yoo misila moo'imminne misillanne moo'lak-kam lachchi mann bikkina Itophphe'i mare'i suumm midaaxx beshshuwwinne atoorallehe.



QANANNAATO

Bax 1

Kannii woroon yoo gund qanannaato ki'n losisaanchi Itophphe'i mare'i suummi qanannaa'akkamaare hissimaat laseesehe.

Fayya'oo'm lachchi manch iyyumma Hospittaalla baxammo

Saxx baxxanch losaancho .Ni losisaanchi ang bax lachch hagalluww bikkina xa'minonaa xambo gudinsona neese xa'makko'aare abaroos bikkina kitaabumta'n yaa sawwummo.An hee'oommokk iyyummannee iyyaninnette.Ni minina ill-muchcho.Lam abbaayyuwwi aayyuww yoomame'e.Mat iyyabbaayyii iyyaayyaa adi'l baxo asheeramaakko keeno mull keen losaano.

Iyyumma fayya'oo'm lachchimanchotte.□baxamokkim ni beero'o siid-amoo lob hospittalannette.Iyyan odim losisaancho.Iyyan odim beero'i woronne la'am losisaano booradishshi kolleejja losisookko.Ni minina won lob niyyaayya daanyatte.Isem baxamokk Oogaxx minennette.Ise aw-wonaanchi niyyabbaayy waardiyyichcho.Ixx odim baxookkok adi'l seera egesiisa'n minennette.









Iina lam lob anno'i.I lob anno'ilommana'n mashka'i baxo uullisamma abooyyakkam mann ihamaakko.Goonchi I lob ann annann annanni mu'uxx dadaraancho.Ixx baxookkok Suuqannette.Ni lob ama mi'n baxo baxakkamo.Mine annanni annanni baxeewwa baxakkamo.

Soor iyyan abbaayyuwwii lam adeewwi yoomame'e.Hundim bax yoo keeno. Mat niyyan abbaayyi kaame'e ushe'oohane.Mullek odim ichchi mine danaanoohane.saxxek odim kin mine baxoohan ihaa soo'lek paayy-ileeta.lamem iyyaayyuww odim mate Orophphe'i barasakkam beyyo asinaadaanchotte.

Kannii woroon uwwamu mare'uwwa awwaaxximminne Itophphe'i mare'i suummi xuunsammi woca baxehe.

Kobi'lishshina :

Losisaanchi losa'n mine baxookko.

 <p>Daanya</p>	 <p>Losisaancho</p>	 <p>Neersichcho</p>
 <p>Haakkiimcho</p>	 <p>Gassaancho</p>	 <p>Mahaandiisichcho</p>
 <p>Kaame'e ushe'aancho</p>	 <p>Waardiyyichcho</p>	 <p>Losa'n mine</p>
 <p>Fayya'oo'm xaaxxite</p>	 <p>Bax mine</p>	 <p>Abuullaancho</p>

Losixx1

Hanaan yoo gund qanannaato shooto'i issimminne ki'n losisaanchi xa'moo xa'michchuwwa Itophphe'i mare'i suumm dabachcha uwwehe. Annannichchi xa'michchinam bax beyyo eddakka'a caakkisehe.

1. Agan annichchi amaa annii baxamookkok maha?
2. Agan annichchi abbaayyi aayyuwwi baxamookkok maha?
3. Lob anno'i lommana'n mashka'i baxo uullisameena illage baxamookkok mah hee'ukko?
4. Annabbaayyuwwi addeewwi baxamookkok maha ?